



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput sexagesimum quintum. Jesus bellator & victor.

urn:nbn:de:hbz:466:1-16260

Ebr. 4. 3, & seq. *Ingrederemur enim in requiem qui credidimus, quemadmodum dixit, Sicut juravi in ira mea, si introibunt in requiem meam Festinemus ergo ingredi in illam requiem.*

Ebr. 11. 14. *Pacem sequimini cum omnibus & sanctimoniam, sine qua nemo videbit Deum.*

1. Petr. 3. 10, 11. *Qui enim vult vitam diligere, & dies videre bonos, inquirat pacem, & sequatur eam.*

CAPUT LXV.

Jesús bellator & victor.

NUM. 24. 14. *Orietur Stella ex Jacob, & surget virga de Israel; & percutiet duces Moab, vastabitque omnes filios Seth.*

Psal. 44. 3, & seq. *Speciosus forma praefiliis hominum: diffusa est gratia in labiis tuis, propterea benedixit te Deus in aeternum. Accingere gladio tuo super femur tuum potentissime Sagitta tua acuta, populi sub te cadent, in corda inimicorum regis.*

Psal. 109. 5, & seq. *Dominus à dextris tuis, confregit in die ira suae Reges: iudicabit in nationibus, implebit ruinas, conquassabit capita in terra multorum; de torrente in via bibet, propterea exaltabit caput.*

Isa. 8. 1, & seq. *Et dixit Dominus ad me, Sume tibi librum grandem, & scribe in eo stylo hominis, Velociter spolia detrahe, cito praedare. Et adhibui mihi testes fideles, Uriam sacerdotem, & Zachariam filium Barachia, & accessi ad Prophetissam, & concepit, & peperit filium, & dixit Dominus ad me, Voca nomen ejus, Accelera spolia detrahere, festina praedari: quia antequam sciat puer vocare patrem suum & matrem suam, auferetur fortitudo Damasci, & spolia Samaria coram rege Assyriorum.*

Isa. 11. 4, 5. *Percutiet terram virga oris sui, & spiritu labiorum suorum interficiet impium: & erit iustitia cingulum lumborum ejus, & fides cinctorium renum ejus.*

Isa. 41. 2. *Quis suscitavit ab Oriente Justum, vocavit eum ut sequeretur se? dabit in conspectu ejus gentes, & reges obrinebit? dabit quasi pulverem gladio ejus, sicut stipulam vento raptam arcui ejus?*

Isa. 42. 13. *Dominus sicut fortis egredietur, sicut vir preliator suscitabit Zelum; vociferabitur & clamabit; super inimicos suos confortabitur.*

Isa. 49. 1, 2. *Dominus ab utero vocavit me, de ventre matris meae recordatus est nominis mei: & posuit os meum quasi gladium acutum. In umbra manus suae protexit me, & posuit me sicut sagittam electam, in pharetra sua abscondit me.*

MATTH. 10. 34. *Nolite arbitrari, quia pacem venerim mittere in terram; non veni pacem mittere, sed gladium. Veni enim separare hominem adversus patrem suum, & filiam adversus matrem suam, & nurum adversus socrum suam: & inimici hominis, domestici ejus. Et Luc. 12. 49, 51.*

Matth. 26. 52, 53. *Tunc ait illi Jesus, An putas quia non possum rogare Patrem meum, & exhibebit mihi modo plusquam duodecim legiones Angelorum?*

Luc. 22. 36. *Dixit ergo eis, Sed nunc qui habet sacculum, tollat; similiter & peram: & qui non habet, vendat tunicam suam, & emat gladium.*

Joh. 16. 33. *In mundo pressuram habebitis: sed confidite, ego vici mundum.*

Rom. 6. 13. *Sed neque exhibeatis membra vestra, arma iniquitatis peccato; sed exhibete vos Deo, tanquam ex mortuis viventes, & membra vestra arma iustitiae Deo.*

Rom. 13. 12. *Nox praecessit, dies autem appropinquavit. Abjiciamus ergo opera tenebrarum, & induamur arma lucis.*

2. Cor. 6. 4, & seq. *Sed in omnibus exhibeamus nosmetipsos, sicut Dei ministros, in multa patientia in verbo veritatis, in virtute Dei, per arma iustitiae, à dextris & à sinistris.*

2. Cor. 10. 3, & seq. *In carne enim ambulantes, non secundum carnem militamus. Nam arma militiae nostrae non carnalia sunt, sed potentia Deo ad destructionem munitionum, consilia destruentes, & omnem altitudinem extollentem se adversus scientiam Dei, & in captivitatem redigentes omnem intellectum in obsequium Christi, & in promptu habentes ulcisci omnem inobedientiam, cum impleta fuerit vestra obedientia.*

Eph. 6. 11, & seq. *Induite vos armaturam Dei, ut possitis stare adversus insidias Diaboli; quoniam non est nobis colluctatio adversus carnem & sanguinem; sed adversus Principes & Potestates, adversus mundi rectores tenebrarum harum, contra spiritualia nequitiae in*

Isa. 66. 15, 16. Ecce Dominus in igne veniet, & quasi turbo quadriga ejus reddere in indignatione furorē suum, & increpationem suam in flamma ignis: quia in igne Dominus dijudicabit, & in gladio suo ad omnem carnem, & multiplicabuntur interfecti à Domino.

Jerem. 12. 12. Gladius Domini devorabit ab extremo terra usque ad extremum ejus: non est pax univēse carni.

Joël 2. 11. Et Dominus dedit vocem suam ante faciem exercitus sui; quia multa sunt nimis castra ejus, quia fortia & facientia verbum ejus: magnus enim dies Domini, & terribilis valde, & quis sustinebit eum?

Hab. 3. 8, & seq. Qui ascendes super equos tuos, & quadrigae tuae salvatio, suscitans suscitabis arcum tuum. . . . Sol & Luna steterunt in habitaculo suo, in luce sagittarum tuarum; ibunt in splendore fulgurantis haste tuae. In fremitu conculcabis terram, in furore obstupescies gentes: egressus es in salutem populi tui, in salutem cum Christo tuo.

Zach. 9. 11, & seq. Tu quoque in sanguine Testamenti tui emisisti vitulos tuos de lacu, in quo non est aqua. Convertimini ad munitionem vinciti spei, hodie quoque annuntians duplicia reddam tibi. Quoniam extendi mihi Judam quasi arcum, implevi Ephraim, & suscitabo filios tuos Sion; super filios tuos, Gracia, & ponam te quasi gladium fortium. Et Dominus Deus super eos videbitur; & exhibit ut fulgur jaculum ejus; & Dominus Deus in tuba canet, & vadet in turbine Austri. Dominus exercituum proteget eos; & devorabunt, & subjicient lapidibus funde, & bibentes inebriabuntur quasi à vino, & replebuntur ut phiale, & quasi cornua altaris. Et salvabit eos Dominus Deus eorum in die illa, ut gregem populi sui.

caelestibus. Propterea accipite armaturam Dei, ut possitis resistere in die malo, & in omnibus perfecti stare. Stare ergo succincti lumbos vestros in veritate, & induiti lorica m justitia, & calcate pedes in preparatione Evangelii pacis; in omnibus sumentes scutum fidei, in quo possitis omnia tela nequissimi ignea extinguere: & galeam salutis assumite, & gladium spiritus, quod est Verbum Dei.

1. Tim. 1. 18. Hoc praeceptum commendo tibi, fili Timothee, secundum praecedentes in te prophetias, ut milites in illis bonam militiam.

2. Tim. 2. 4, 5. Nemo militans Deo implicat se negotiis secularibus, ut ei placeat cui se probavit: nam & qui certat in agone, non coronatur nisi legitime certaverit.

Apoc. 1. 16. Et de ore ejus gladius utraque parte acutus exibit.

Apoc. 2. 12, & seq. Et Angelo Pergami Ecclesiae scribe, Haec dicit qui habet rhomphaeam utraque parte acutam. . . . habes & in tenentes doctrinam Nicolaitarum: similiter penitentiam age, si quominus veniam tibi cito, & pugnabo cum illis in gladio oris mei.

Apoc. 19. 11, & seq. Et vidi caelum apertum, & ecce equus albus, & qui sedebat super eum, vocabatur Fidelis & Verax, & cum justitia iudicat & pugnabit. . . . & vestitus erat veste aspersa sanguine, & vocabatur nomen ejus Verbum Dei. Et exercitus qui sunt in caelo, sequebantur eum in equis albis, vestiti hyssino albo & mundo: & de ore ejus procedit gladius ex utraque parte acutus, ut in ipso percutiat gentes: & ipse reget eas in virga ferrea, & ipse calcat torcular vini furoris irae Dei omnipotentis. . . . & ceteri occisi sunt in gladio sedentis super equum, qui procedit de ore ipsius, & omnes aves saturatae sunt carnibus eorum.

De bello quod per Jesum Christum geritur. Isa. 8. 1, 4.

Tertull. libr. 3. adv. Marc. cap. 13.

Tertull. contr. Iud. cap. 9. Isa. 11. 4, 5.

1. Cor. 10. 3, & seq. Eph. 6. 11, & seq.

I. **J**ESUM pacificum esse supra ostendimus, hic eum exhibemus bellatorem, nec inobiscum tamen ipsi pugnamus, allegorica modo adhibeatur interpretatio. Quod quo jure fiat, sanequam, egregie demonstrat Isaias, cum ait de puero, qui Messiae typus est: Et dixit Dominus ad me, Voca nomen ejus, Accelera spolia detrahere, festina praedari; quia antequam sciat puer vocare patrem suum, & matrem suam, auferetur fortitudo Damasci, & spolia Samaria coram rege Assyriorum. Quae sic pulchre interpretatur Tertullianus: Ante est inspicias atatus demonstrationem, an hominem jam Christum exhibere possit, nedum Imperatorem. Scilicet vagitu ad arma esset convocaturus infans, & signabelli, non tuba, sed crepitacillo daturus: nec ex equo, vel de curru, vel de muro, sed de nutricis aut gerulae sua collo, sive dorso hostem destinaturus; atque ita Damascum & Samariam pro mamillis subacturus. Demum sententiam his verbis concludit: Enimvero si nusquam hoc natura concedit, ante militare quam vivere, ante virtutem Damasci sumere, quam patris & matris vocabulum nosse, sequitur ut figurata pronuntiatio videatur. Subjicit alia deinde multa; pariaque his apud eum alibi reperias, quibus quod addam, nihil habeo. Allegoriam praeterea demonstrant & haec Isaias: Percutiet terram virga oris sui, & spiritus laborum suorum interficiet impium: & erit justitia cingulum lumborum ejus, & fides cinctorium renum ejus. En arma quibus bellum gerit Christus, verba, spiritus, justitia, & fides. Hinc Paulus ad Corinthios: In carne ambulantes, non secundum carnem militamus: nam arma militiae nostrae carnalia sunt; & ad Ephesios: Induite vos armaturam Dei, ut possitis stare adversus insidias Diaboli; quoniam non est nobis colluctatio adversus carnem & sanguinem, sed adversus Principes & Potestates, adversus mundi rectores tenebrarum harum, contra spiritualia nequitia in caelestibus. Tum arma recenset quibus ge-

ri vult hujusmodi bellum, nempe lorica[m] justitiæ, scutum fidei, galeam salutis, & gladium spiritus.

CAPUT LXVI.

Jesus lapis, fundamentum, mons.

PSALM. 117. 22. Lapidem quem reproba-
verunt edificantes, hic factus est in caput an-
guli.

Isa. 8. 13, 14. Dominum exercituum, ipsam
sanctificate; ipse pavor vester, ipse terror ves-
ter. Et erit vobis in sanctificationem: in la-
pidem autem offensionis, & in petram scanda-
li duabus domibus Israël; in laqueum, & in
ruinam habitantibus Jerusalem. Et offendent
ex eis plurimi, & cadent, & concitentur, &
irruentur, & capientur.

Isa. 28. 16, 18. Idcirco hac dicit Dominus
Deus, Ecce ego mittam in fundamentis Sion
lapidem, lapidem probatum, angularem, pre-
tiosum, in fundamento fundatum, qui credi-
derit non festinet. Et delebitur sedus
vestrum cum morte, & pactum vestrum cum
inferno non stabit.

Dan. 2. 34, & seq. Videbis ita, donec ab-
scissus est lapis de monte sine manibus, & per-
cussit statuam in pedibus ejus ferreis, & fi-
lilibus; & comminuit eos. Tunc contrita sunt
pariter, ferrum, testa, æs, argentum, & au-
rum, & redacta quasi in favillam astra area,
que rapta sunt vento; nullusque locus inventus
est eis: lapis autem qui percussit statuat,
factus est mons magnus, & implevit univer-
sam terram. In diebus autem regnorum
illorum, suscitabit Deus cali regnum, quod in
aeternum non dissipabitur, & regnum ejus al-
teri populo non tradetur: comminet autem &
consumet universa regna hæc; & ipsum stabit
in aeternum. Secundum quod vidisti, quod de
monte abscissus est lapis sine manibus, & com-
minuit testam, & ferrum, & æs, & argentum,
& aurum, Deus magnus ostendit regi que ven-
tura sunt postea.

Zach. 3. 8, & seq. Ecce enim ego adducam
servum meum Orientem: quia ecce lapis quem
dedi coram Jesu, super lapidem unum septem
oculis sunt, ecce ego calabo sculpturam ejus, ait
Dominus exercituum, & auferam iniquitatem
terre illius in die una.

Zach. 4. 7, 10. Quis tu, mons magne, coram
Zorobabel? in planum: & educet lapidem pri-
marium, & exaquabit gratiam gratiæ ejus. . . .
& letabuntur, & videbunt lapidem stannum
in manu Zorobabel.

MATTH. 21. 42, & seq. Dicit illis Jesus,
Numquam legistis in Scripturis, Lapidem quem
reprobaverunt edificantes, hic factus est in ca-
put anguli. A Domino factum est istud, & est
mirabile in oculis nostris? Ideo dico vobis,
quia auferetur à vobis regnum Dei, & dabi-
tur genti facienti fructus ejus: & qui cecide-
rit super lapidem istum, confringetur; super
quem vero ceciderit, conteret eum. Et Marc.
12. 10, & seq. Luc. 20. 17, 18.

Act. 4. 11. Hic est lapis qui reprobus est
à vobis edificantibus, qui factus est in capite
anguli, & non est in alio aliquo salus.

Rom. 9. 32, 33. Offenderunt in lapidem of-
fensionis; sicut scriptum est, Ecce pono in Sion
lapidem offensionis, & petram scandali: & om-
nis qui credit in eum, non confundetur.

1. Cor. 3. 11. Fundamentum enim aliud ne-
mo potest ponere, præter id quod positum est,
quod est Christus Jesus.

1. Cor. 10. 4. Bibebant autem de spiritali
consequente eos petra: petra autem erat Chri-
stus.

Eph. 2. 19, & seq. Ergo jam non estis hospi-
tes & advene, sed estis cives Sanctorum, &
domestici Dei, superedificati super fundamen-
tum Apostolorum & Prophetarum, ipso summo
angulari lapide Christo Jesu, in quo omnis adifi-
catio constructa crescit in Templum sanctum in
Domino, in quo & vos coedificari in habita-
culum Dei in spiritu.

1. Petr. 2. 4. Ad quem accedentes lapidem
vivum, ab hominibus quidem reprobatum, à
Deo autem electum & honorificatum; & ipse
tanquam lapides vivi superedificamini.